

書

笑

書  
有此師母只合開門受徒

講學者以明德立義及門學徒拳拳服膺發疑  
問難無非明德以至着衣喫飯行住坐臥皆是  
一日值齋期一學子問曰明德是葷是素衆駭  
曰明德如何可以葷素論一點者曰應是素然  
亦定不得衆問何謂曰朱夫子原曰則有時而  
葷

明德二字。原有葷有素。聖人每言齋明。則明素也。德之為言得也。要得也。腥羶了此。

真州王孝廉道新將訪一貴客。令其家史叙狀。史誤書新為親。王怒。讓史時。一友在旁。譴曰。不干他誤。程夫子解大學曰。親當作新。已先有此語矣。王怒頓釋。

京師中有為燈謎者曰。寡婦再嫁人。隱四書上。

一句人皆莫知所謂群問之曰豈不是又經一

張

右經一章

寡婦再嫁人交合時進而未知也問其夫曰  
進未曰已進遂顰蹙曰這等我有些疼又寡  
婦嫁人被云不能三年之喪而思小功之察  
妙絕妙絕

余進士田與湯進士日新相善一日余戲湯曰

湯之盤銘曰。苟者君乎。湯應聲曰。卿以下必有  
主者。君也。挂枝兒云。繡房兒。正與書房近。猛聽  
得。值。寃家讀書聲。停針就。把書來聽。湯之盤銘  
曰。苟日新。日日新。又日新。聖人的言語也。其實  
妙得緊。慈生曰。斷章取義。好個聰明婦人。勝似  
道學先生十倍。

一瑞出鎮試士。繡書出題曰。道盛德至青。矜閣

筆相顧有監司在曰加他一字何如瑞曰老先  
生講不上如何只加一字善民以下都了罷  
瑞又有出後生可畏焉者衆以多一字為言  
因減去後字此處求增彼處求減內相必謂  
秀才胸中無定識矣

有盛大盛二者冬月所戴氈帽遇暑月皆放一  
處至冬復取着之其一蛙損兄弟爭認其不蛙

者遂致喧鬧訟之官官執蛙帽反覆再三乃睨視盛大曰此汝帽也大問何以知之官曰豈不聞大學淇澳註云先蛙盛大之帽宣著盛大之貌

蒙師教學新赴館先讀大學至於戲前五不忘竟如字讀主人曰此宜讀作嗚呼師從之至冬間讀論語註雖古禮而近於戲乃讀作嗚呼主人曰此於戲也師大怒而別歸告其友曰此

東家甚難理會。只於戲二字。年頭直抵至年尾。畢竟不清。

秀才不識字。只讀半邊。如此二字。只宜讀方虛萬無一失。曰然則嗚呼二字。只消讀烏乎矣。曰便是旁邊的口不服耳。

世廟時嚴分宜用事。宮中有怪其形多目多手。以問群臣無識者。王元美為郎官對人揶揄曰。

此最顯而易見、人問何謂、元美曰、大學中十目、  
所視、十手所指、是道甚的、嚴闢而對之、

陸秀才諱通明、世居洞庭之角灣、吳生客于山、  
與陸修通家誼、陸內人臨蓐、吳訊之曰、魯弄璋  
未、陸曰、昨生一女、已溺之矣、吳調其諱曰、先生  
極明、這事欠通了、陸曰、云何、吳曰、溺愛者不明、  
兩相絕倒、

婦人水性故遭溺者多

世衍李娃綉襦記云榮陽子與娃同祈嗣於竹林返而免媒求婚遂為媒家所賺而鴛母挈娃以遁逆旅婦人譏之曰豈不聞大學之書未有學養子而後嫁者矣可謂切中

有老伎少時未嘗孕也已嫁而求孕之念甚急服藥禱祈無所不至居士曰未有學嫁人

而後養子者矣

豐南禺吏部素簡傲家居性益僻錯其友人葉  
素者遣人致書而語有忤其意者令以泥塗其  
家○人○之○面○坐○客○駭○而○問○之○豐○曰○豈○不○聞○其○葉○素○  
慕○泥○宜其家人乎

此○家○人○不○知○為○老○為○少○若○少○者○當○以○一○虎○泥○  
封○函○谷○関○矣

有一伎家女，矢志一，不欲延客，其母強之，不可。一士人為作破題曰：生之者衆，入食之者寡。若無忝所生，當不可勝食也。

二、教書者死見閻王。閻王按之一係讀別字者，一係讀破句者，勘畢別字者罰為狗，破句者罰為猪。別字者曰：狗不敢辭，願為母狗。王曰：何也？曰：禮記云：臨財毋狗。得臨難毋狗。免破句。

者曰猪不敢辭願為南方猪王曰何也曰中庸云南方猪之強與北方猪之

有主人以米數石延蒙師與之約讀一別字罰米一升至散館計一年所讀退却止存米二升耳師大失望歎曰是何言興是何言興蓋誤與為興也主人曰連二升一直無有了

一世家子冬月令家奴解衣躡踞以胸腹溫其

而足客訝之則曰素富貴行乎富貴

汪伯玉司馬致政家居嘗度詞曲譙言對客曰  
世有三不朽太上立德不佞德薄非所敢望也  
其次立功不佞老矣無能為矣其次立言理學  
之途載籍之府俱未易窺但度一二曲調以自  
娛耳客曰此亦一不朽汪曰何也客曰其次致  
曲汪為之撫掌

善啖者殺到而箸不停同席人問曰兄箸是何  
木做的各云烏於木穆問者曰怪道不已  
浙解張翼才名平等郡守王拔置第一其破中  
有天地二字入場總裁王公監臨王公俱無異  
賞而守極薦遂得首舉中丞公意有不滿戲贈  
彩聯云考諸三王而不謬建諸天地而不悖省  
下哄傳

鮮于教官病跛足，一生私效之。鮮于命人召耒，  
將加朴責。生曰：「此朱夫子誤我師。」問云：「何生？」曰：「  
朱夫子云：『後覺者必效先覺之所為耳。』」鮮于為  
笑而止。

有面生癰者，學冤教以用磚研擦，即愈。問見何  
方書，曰：「論語註云：『專言鮮則絕無可知。』」言研同  
音。

或曰、引經可以斷獄、引傳自可製方也、

青衿子以犯倫被黜、人咸疑之、曰、不知事有無、  
若何以此加之、使彼何以為人、一善謔者曰、朱  
夫子已教其法矣、衆曰、如何、曰、有則改之、無則  
加勉、

凡辨謗于道學先生之前者、道學必為此二  
語以解之、然則二語亦有不可說處、

薛道衡嘗以醴和麥粥食之。謂盧思道曰。禮之用。和為貴。先王之道。斯為美。思道答曰。知和而和不。以禮節之。亦不可行也。

一廣文教規極嚴。遇朔日。十餘生不到。遣人呼之。內一生惧。扑用金絲狗。并茶菓致餽。廣文喜。及諸生至。以次受扑。餽狗者獨免。時有一生出班。言曰。諸生皆扑。某獨否。得無苟免。刑罰乎。陶

堂大笑、

魏博節度使韓簡、性麁質、每對文士、不曉其說、  
心嘗取之、乃召一孝廉講論語、翌日謂僚佐曰、  
近方知古人淳朴、年至三十、方能行立、聞者大  
笑、

不○患○無○位○患○所○以○立○古○人○所○以○四○十○而○強○仕○  
也○

或問樊遲之名誰所取曰孔子樊噲之名誰所取曰漢高祖復向煩惱是誰所取曰是自取的。樊遲。麤。樊噲。也不細。煩惱。定是個慄人。

蒙師新出行教有人薦之於東家赴館日東家款之肴中有鱉師大喜次日謂其薦者曰蒙所薦主人甚敬我可以處矣薦者由其敬何如曰肴中有鱉薦者曰一鱉未足言敬也師曰不敬。

何以鼈別乎。

鼈陰類也。能補陰。故曰夫婦有別。又曰夫妻相敬如賓。不敬何以別乎。別之時義大矣哉。成祖謂解縉曰。色難二字甚難對。縉應曰。容易。久之。上問既易。何不對來。縉曰。適已對矣。上悟。乃笑。

科場用武弁巡綽。首題是視其所以一章。諸武

弁私相謂曰看題曰視其所觀其所察其所莫  
是考察我們且考語利害曰人馬瘦哉人馬瘦  
哉列位須要仔細

有能辨鳥獸及蟲語者人問蛙之鳴為何曰獨  
樂樂與人樂樂孰樂曰鳩之鳴為何曰觚不觚  
曰燕之鳴為何曰知之為知之不知為不知是  
知也又問驢鳴犬吠為何曰各自說其鄉語耳

後世為禽言曰泥滑滑曰行不得也哥哥曰  
不如歸去曰提壺曰情急了不一而足豈知  
孔孟先有其譜

凌某拜嚴介谿為父人稱嚴子陵。漢有縉紳王  
姓者抱他人子為孫世對以為王孫賈。  
世誚餘姚人食麥呼之為麥糲包。一師講周監  
于二代弟子誤謂二袋問此二袋何物師曰麥。

也。問何以知之。曰。註中二代夏商也。冬春是米。

夏春豈不是麦。

越人讀春同霜音

又社師讀論語郁郁乎文哉。訛為都都平丈。我有宿儒來為正其訛。學童駭散。時人語云。都都平丈我學生滿堂坐。郁郁乎文哉。學生都不來此師。不知是餘姚人否。

藥有名管仲者。猪瘟食之則愈。一醫者聞隣舍

讀論語至管仲之器小哉嘆曰孔子真大聖人  
博物乃爾彼何以便知管仲猪喫消灾也

江左亦有管夷吾想此時必猪瘟也

一裁衣一屠户共延師教其子裁衣者聞讀貧  
而無諂富而無驕誤謂裙而無簡袴而無腰曰  
此譏我也屠户者聞讀大車無輓小車無軌誤  
謂大猪無皮小猪無血曰此譏我也各具狀訟

之官。官問其姓。一姓邦。一姓管。笑曰。此二人俱放屁不通。令各以木針塞其糞門。或曰。此何刑也。官曰。彼引經告狀。我引經斷獄。邦君樹塞門。管氏亦樹塞門。

今之為龍陽者。不知姓邦。管與否。今之文理不通者。不知樹塞門與否。

夫妻交媾。夫嫌其妻陰寬。妻曰。不難放。我在上。

便緊矣。夫曰何也。曰居上不寬。  
在上不驕。更好。

昔有一盜席者。一盜鐘者。決於主者。主者問盜。  
席者以大辟而釋。盜鐘者人問其故。曰此引經。  
斷獄也。論語不云乎。朝聞盜席。道夕死可矣。夫。  
子之盜鐘。道忠恕而已矣。

宜興時大彬善以沙為茶罐。得名好事者。高其

真買以為文房玩具時遂以此往來縉紳間衆  
扶植其子因得入賢序有為之破者曰時人之  
入學一罐貫之力也

詩云無不宜之即夫子一貫之旨想謁孔廟  
時孔子必曰文質彬彬時哉時哉

有以婦翁之力得中魁選者或為語嘲之曰孔  
門弟子入試臨揭曉先報曰子張第十九人曰

他一貌堂堂、果有好處、又報子路、第十三人曰、這龐人也中得高、虧他那一陣氣魄、又報顏淵、第十二人曰、此聖門高足、屈了他些、又報公冶長、第五人駭曰、這平時不見怎的、如何倒中、丑魁一人曰、全虧他丈人之力耳。

平時不見怎的者、偏中得高、豈個有婦翁是聖人、慙生曰、自有眯目聖人在。

陳使聘齊見朝廷有赤鬣者顧謂散騎常侍李  
駟駟曰赤也何如駟駟曰束帶立於朝可使與  
賓客言者

赤之適齊也陳使應自愧弗如

孔生在陳絕糧令人向回回國求糧彼國人曰  
孔子常罵我國不可與也問曰何據國人曰他  
曾道回之為人也賊擇乎使還孔子以子貢能

游說使之行。回回見子貢至。便喜而與之曰。汝  
魯贊吾國耳。問其故。曰。汝不魯說。賜也何敢望。  
回回遂得糧而返。為夫子言之。夫子喟然曰。糧  
便哄喫了。文理欠通。

有蒙古人做官者。蒞任行香。出對于庠士曰。  
孟孫問孝于我。士對曰。賜也何敢望回。  
如此的對回。當有賜。

師喜晝寢弟子曰宰予晝寢之義何解師曰汝知四字之解乎宰者殺也予者我也晝者晝時也寢者眠一覺也統而言之便殺我定要晝時眠一覺也

夫子責宰予以朽木糞土宰予不服曰吾自要見周公如何怪我夫子曰日間豈是夢見周公時節宰予曰周公也不是夜間肯來的

人。

政和中舉子皆試經義。有學生治周禮堂試。以禁宵行者為題。此生荅義云。宵行之為患大矣。凡盜賊姦淫群飲。為過惡者。白晝不能顯行也。必昏夜合徒竊發。踪跡幽暗。雖欲捕治。不可物色。故先王命官曰。司寤氏。而立法以禁之。宜矣。不然。則宰予晝寢。何以得罪于夫子。學官者。甚

喜其議論有理。但不曉以宰予為証之意。因名而問之。此何說也。生曰。晝非寢時也。今宰予正晝而熟寐。其意必待夜間出來。胡竹亂走耳。學官為咲而止。

東家供師淡薄。師以為言。東家云。每聞先生講書曰。肉雖多。不使勝食氣。故不敢多以肉奉先生。先生怒曰。難道我講糞土之牆。就把

糞與我喫。又一講章腐極可咲。并附入云。夫子設教于杏壇之上。洙泗之濱。方進牛膳。忽聞麴、麴、麴、麴、麴之聲。夫子驚而起。曰。斯何人也。其回也欤。回也不惰。殆非也。其由也欤。由也好勇。亦非也。跡而視之。則其人姓宰名予。向在言語之科者。夫子蹴之起。跪而責之。曰。夏后氏以松可雕也。殷人以栢可雕也。周人以

栗、亦可雕也、汝則朽木、不可雕也、數仞之牆、  
可朽也、及肩之牆、亦可朽也、即鯉之面牆、亦  
可朽也、汝則糞土之牆、不可朽也、吾將以絕  
儒、悲之、瑟絕、汝恐汝不悟、吾將以扣原壤之  
杖、扣汝、恐汝不疼、必湏以誅少正卯之刑、誅  
汝、方可以儆衆、而刀鋸又在魯庫之中、吾今  
用何物誅汝乎、用何物誅汝乎、

有講吾未見剛一節云孔子當暑絺綌必表而出之。至晚汗透悶癢思得澡浴一番。斯時却無賣缸者。過故孔子嘆曰。吾未見缸者適有知趣。或人在旁謂孔子曰。我見你學生子由。張家現有一缸。何不借來用用。孔子曰。這般炎熱天氣。申張一家大小都要洗個浴。來便去與他借。定然是不肯的。又焉得有缸耶。

仲尼不假。蓋于子夏。護其短也。看來申振亦  
犯這毛病了。畢竟一身熱汗。如何乾淨。曰。浴  
乎。沂。

某邑一丞。素不知文。而強效顰。作文語。其大令  
病起。自憐消瘦。丞曰。堂翁深情厚貌。如何得瘦。  
一日。縣治捕強盜數人。令嚴刑訊鞠。盜哀號殊  
苦。丞從旁撫掌大笑。曰。惡人自有惡人磨。又侍

大令飲而大令將赴別席辭去丞曰乞其餘不足又顧而之他縣令修浚堂頗華整丞趨而進曰山鄮藻稅何如其知也

此令得無笑殺

彭季錢乳名小兒有僚友蔡大圭者偶戲彭曰倪來謂小兒也彭亦云蔡來謂大圭也

馮岱宗與蔡幼公善特設一室俟其來輒留

臥起。因戲。匾其室曰。居蔡。

好龍陽者。以為勝于女。又有謂女未嘗不可龍陽也。為與女龍陽之破。曰。乞諸其隣。如在其上。評云。一閒未達。

山東人講子路頌車馬一節云。咱今衣敝緼袍。怎得高車駟馬。指望一日簇跡。那時必有大大一輪車。高高一疋馬。一領羊皮襖。咱這裡有朋。

友們沒有。那時節。誰個肯借與他。咱都不吝。就是那朋友把咱的車兒坐破了。馬兒騎倒了。羊皮襖兒穿破了。別的誰個不恨他。誰個不惱他。咱這裡倒不咱這裡倒不。

人有子得第者。報至。或嘲之曰。令郎驛且角如。此其人笑曰。果得小兒驛且角。老夫情愿做犁牛。

封公有此一荅必非老犁

北方有牛王廟画百牛于壁而牛王居其中向  
牛王為何人乃冉伯牛也

温州有土地杜十姨無夫五髭鬚相公無婦  
州人迎杜十姨以配五髭鬚合為一廟杜十  
姨為誰杜拾遺也五髭鬚為誰伍子胥也又  
江南一驛吏以杜康為酒神陸鴻漸為茶神

而末以蔡伯喈為菹祖諸神若相會。不知又  
是何等稱呼。

有以賄改庶吉士者。假托古事嘲之曰。孔子之  
兄孔方。昔日曾為館選座師。齊宣餽黃金萬鎰。  
因簪筆而就試焉。卷呈孔曰。王庶幾改宰我食  
稻衣錦。私餉舊穀。新穀若干。試日倩游夏代筆。  
予直畫寢而已。孔曰。於予與改顏淵善言德行。

乃曰鑽之彌堅不若既竭吾才吾見其進也試  
畢閱卷孔以如愚置之曰回也不改回請其故  
曰簞瓢陋巷出寄百里之命足矣可復望華選  
乎

散館之時出為臺省者其長班大賽神以其  
脰置酒與留館中者之長班解向儒者曰是  
未知尋孔顏樂處耳又賢哉回也一節破云

聖人贊大賢于兩頭。而大賢受苦于中間。受苦的時節。便是出寄百里之命也。好。

有孝廉張姓者。姦李屠兒妻。方執手調笑。而屠兒適至。回閣戶以內枋擊其脛。孝廉哀祈得免。遂隱其事。而以買鹽被辱告官。得其情。判曰。張孝廉買鹽。自牖執其手。李屠兒喫醋。以杖叩其脛。

道士戲一士曰。君為儒者。君子儒。小人儒。士曰。汝號道人。畜生道。餓鬼道。

鑿者招文士為脩叙宴間。鑿以指擊卓三下。隨吹滅燭。問曰。此一古人名也。速道來。脩曰。澹臺滅明。因暗中探婦翁鬚。扭之。三四問曰。此六一藥名也。可速道。鑿曰。黑牽牛。

一人冠儒冠而問。渡同舟者。謂其士人也。讓其

艤中間坐不敢舒足以凝之中流因問曰四書  
中濬臺滅明是幾人曰兩人又問堯舜曰一人  
其人因舉足曰如此且待我伸伸脚着

宋歐陽文忠知貢舉省闈故事士子有疑許  
上請至日午猶喋弗已過晡稍閑與諸僚  
方酌酒賦詩士又有扣簾者公出士忽問曰  
諸生欲用堯舜字而宜其為一事為二事惟

先生教之、觀者罔然笑、公曰、似此疑事、或恐其誤、但不必用可也、内外大笑、

闌席者、緣主人緊閉前門、從後門、揆入就席、主人戲曰、公不請自來、而從後進、豈君子耶、對曰、不得其門而入、非敢後也、

或謂南子曰、君寵夫人足矣、如何又寵弥子、南子曰、無害、我自有宋朝敵他、

蒙師不識晉字、以硃筆旁抹之、又不識衛字、以硃圈之、讀知者樂水山者樂山、樂字俱讀洛音、客有從京師歸者、適見之、師以新聞為向、客曰、吾出京時、只見晉文公被戳、一鎗衛靈公被紅、軍圍住、師曰、軍敗如何、曰、落山的、落山落水的、落水。

一村學究、好哆口、扳援貴勢、而其姑嫁衛氏者、

有。淫。行。人。嫉。之。因。設。為。問。答。以。訊。之。曰。有。徒。向。  
師。君。子。不。以。言。舉。人。如。何。講。師。曰。嚴。舉。人。是。我。  
門。生。又。向。陳。仲。子。豈。不。誠。廣。士。哉。是。如。何。曰。陳。  
應。使。是。家。岳。又。向。齊。景。公。有。馬。千。駟。是。如。何。曰。  
馬。食。事。是。家。表。兄。又。向。使。之。主。事。而。事。治。如。何。  
曰。支。主。事。是。家。表。弟。又。問。子。見。南。子。是。誰。曰。此。  
我。家。姑。娘。曰。何。為。有。淫。行。曰。在。我。家。無。此。事。嫁。

與衛家便有說話。

世有好外者名之為南風。晉賈后好淫。名  
南風。衛靈夫人而名曰南子。必有謂不然。  
何以夫人自稱曰小童乎。

太監府有歷事監生。遇大比。亦是本監考取類  
送鄉試。一瑞不識書篆曰。今不必作文。只一對  
佳者便取。因出對曰。子路乘肥馬。諸生俯首匿。

笑一點者對曰堯舜騎其病猪諸

此監生是科竟得高擢不知者便以為真宋相公矣

陽明公兒時海日公會客令公舉令公言要  
四書有譬字一句舉能近取譬語客殊輕之各  
舉譬如為山譬如北辰譬若掘井之類公曰兒  
譬泛下出諸公乃泛止出各罰之有作能近

取譬文以質之先達者先達云細玩能近取三字不做覺偏窠些士唯々而退妙甚  
學究一日晝寢弟子請其故曰我夢周公耳次日弟子云睡先生號之起曰我云夢周公先生曰且道周公有何言曰云無他話只道昨日寢不曾得會先生

周公甚苦孔子之時已有宰我宰我之後有

邊孝先、孝先之後、又有此師徒、真是應接不  
暇、至陳圖南、索性周家去、住過日子了、

有為瞽者所携之杖作破、曰用之則行、舍之則  
藏、子夏哭子喪、明師冕謂之曰、惟我與爾有是  
夫、

田洙之遇薛濤也、以母病三月不往、後過其處、  
濤問何以間、洙乃爾、洙述其由、濤戲曰、吾聞三

月不違仁。今子違人甚矣。洙曰：豈由不知肉味耶？知肉味在今久，何以怒為？相與大笑。有人為令云：子路百里負米，不知熟米、糲米。若是熟米，子路不對；若是糲米，子路請禱。一人曰：子路宿于石門，不知開門、閉門。若是開門，由也升堂；若是閉門，子路拱而立。介甫面黑，有進澡豆方者，曰：洗之得白。介甫笑。

曰天生黑於予澡豆其如予何

雲間張姓者素有龍陽之癖年已七十而此好不衰時有一生以姿艷擅譽張慕之餽物為質

生笑曰盛惠之意云何先生一息尚存耳張拱

手曰此志不容少懈

祝石林為黃陂博士令心易之而瞋其抗直乃曰有大哉堯之為君一節破題云以齊天之

聖極天下之無狀焉。祝曰：吾之有一破題，是不  
得已而之。景丑氏宿焉，曰：處無可柰何之地，遇  
大不相干之人，聞者快之。公以是年舉進士，  
坡公在維揚會客，皆名士。酒半，元章忽起，自  
贊曰：世人皆以芾為顛，請質之子瞻公笑曰：吾  
從衆。

孔子畏匡時，自稱後死。或戲曰：後死正對先生。

是孔子以文王為先生也。這學生子儘去得。  
史彌遠作相。兄彌堅用事。遇內宴。伶人執拳石。  
鑽之不入。乃嘆曰。鑽之。彌堅一人扑之曰。汝不。  
去鑽。彌遠却來鑽。彌堅如何鑽得入。  
丁祭過。兩廣文爭一猪大臠。各執其臠之一頭。  
一廣文稍強。盡掣得其臠。爭者止。兩手勒得臠。  
中油一捧而已。因謂得臠者曰。予縱不得大臠。

葬君無油。尤馬。

優人李可及善諧謔。嘗因延慶節。緇黃講誦畢。次及倡優為戲。可及裛衣博帶。攝齊升堂。稱三教論衡。一人問曰。既言博通三教。釋迦如來是何人。對曰。婦人。問者驚曰。何也。曰。金剛經云。敷坐而坐。非婦人何須夫坐而坐也。又問太上老君何人也。曰。亦婦人。問者曰。何也。曰。道德經云。

吾○所○大○患○以○吾○有○身○及○吾○無○身○吾○有○何○患○非○婦○  
人○何○患○于○有○娠○乎○又○問○文○宣○王○是○何○人○曰○亦○婦○  
人○問○者○曰○何○也○曰○論○語○云○沽○之○哉○沽○之○哉○吾○待○  
賈○者○也○非○婦○人○何○用○嫁○為○上○大○悅○厚○賜○之○

佛家有○大士○道家有○馬○自然○等○皆○女○身○也○如○  
何○儒○家○獨○無○居○士○曰○你○道○升○堂○講○學○的○皆○是○  
男○子○耶○

有。道。學。先。生。行。房。拱。手。言。曰。吾。非。好。此。而。為。之。  
為。祖。宗。延。血。脉。也。乃。凸。一。下。又。曰。吾。非。好。此。而。  
為。之。為。朝。廷。添。戶。口。也。又。凸。一。下。又。曰。吾。非。好。  
此。而。為。之。為。天。地。廣。化。育。也。又。凸。一。下。不。覺。精。  
至。快。極。而。喘。連。聲。叫。曰。已。矣。乎。已。矣。吾。未。見。好。  
德。如。好。色。者。也。

一春元為人所斫其墓槿訴諸縣祈重治之言至

再一鄉紳在坐笑曰老父母已知尊意便言  
惟槿爾令君大笑

有儒官赴人席。嫌酒淡不飲。主人強之曰。此莫  
非沽來者。一友喙曰。豈沽酒市。士脯。夫不食耶。  
一座大笑。

王荊公解書好穿鑿。一日向劉貢父曰。孔子不  
撤姜食何也。貢父曰。本草言姜多食損智道。非。

明民將以愚之。孔子以道教人。故不撤所以愚之。介甫忻然。久乃悟其為戲。貢父故是穿鑿之尤。

一師登廁即回。學徒問曰。先生登廁何其速也。師曰。適可而止。無貪心也。又一學徒將入廁。問先生曰。欲登廁否。先生曰。有此意思。汝且先去。徒去已。先有人在廁。遽返。先生曰。何為遽返。曰。

有一。個。有。意。思。如。先。生。的。在。裡。面。

一。師。適。可。而。止。一。徒。知。難。而。退。大。有。衣。鉢。在。

一。餘。姚。師。講。康。子。餽。藥。學。徒。向。曰。藥。是。丸。藥。煎。

藥。師。喜。曰。此。問。甚。聰。明。汝。可。與。父。親。說。增。此。束。

修。我。纔。說。與。汝。徒。曰。講。了。去。說。就。是。師。曰。此。講。

法。不。同。乃。我。餘。姚。人。傳。家。心。訣。也。凡。看。書。要。看。

上。下。文。徒。曰。上。文。云。何。曰。上。文。是。鄉。人。儺。康。子。

是大夫。孔子是大聖。大夫餽藥與大聖。是急猛。事合鄉之人都來替他搓。儺。搓。儺。可不是丸藥。徒曰。這等是丸藥了。師曰。又不還要看下文。徒曰。下文云何。曰。下文是廐焚童子不小心。延燒馬房。這又是煎藥。徒曰。又是丸藥。又是煎藥。如何作文。師曰。此向更聰明。索性把心訣傳與汝。作文時。一股丸藥。一股煎藥。兩股丸藥。兩股煎

藥二說相兼。其義始脩。却須對父親說。增束修要緊。

看書作文之法。要之至理。不外乎是。

一道學先生在官時。馬廐焚。童僕共救滅之。回報道學問之曰。傷人乎。對曰。幸不傷人。但馬尾燒却了些。道學怒曰。豈不聞孔子不問馬如何。輒敢以馬對各責治之。

馬尾獨不疼乎、假如人不傷時、孔子還須問馬、

辛未春禮闈較士、以德行顏淵、閔子騫一節命題、會試錄成、其刊破云、以聖明之四科而係以聖門之十哲、下第之士、于是指瑕尋隙、爭求誹訕、一日通政受狀、發行庶府、過一紙、閱錄大笑、其辭曰、告狀人顏淵、年三十二歲、係春秋時人、

父顏路。師仲尼。地位越一間。僅名亞聖。吾道見  
卓爾。不遠如愚。六籍有徵。千載無易。後世廟廷  
之議。深係名教之倫。一人御籬。盟非山河之殤。  
帶諸子待坐。分齊冠履之森嚴。泚游固有七十  
三千。位號則分四配。十哲四配。列顏魯而下四  
子。十哲居由。賜以後十人。配以耦聖而名哲。乃  
隣賢而著廟議。所在優劣自明。豈期聖朝求

賢禮闈試士。初場取義。命題四科。開榜呈文。破  
刊十哲。如淵庸劣。素並魯思。柰令主司。降同求  
赤。昔不擯於孔席。胡得罪於明儒。一時與難忘  
在行。四配除名之難忍。伏乞轉行。像部洗我文  
羞。配哲不訛。綱常是正。有此具告。通政以之。封  
述禮部。堂司僚案見之。且笑且怒。無可誰何。一  
時傳播。都下譁然。

有講此一章者曰。德行顏這人。淵。寬。閔。子。冉。了。冉。伯。的。牛。仲。弓。言。語。與。宰。我。道。子。貢。即。政。  
証其事冉有季記在路上通文學于子游子。  
子游子忙應之曰。夏。谷。

張江陵在位。鈴束臺省。使不敢言。士人造一譴。  
云。科道缺官。選君請於張。曰。科道官最難其。  
人。如孔門十哲。尚未必人人可用。文選云。德行。

如顏回何如張曰回也于我言無所不說未可用也文學如子夏何如張曰子夏入聞聖道而說出見絲華靡麗而說未可用也政事如冉求何如張曰求也非不說子之道力不足也未可用也更問子路何如張曰可笑蓋子見南子子路不說耳文選唯、而選說字俱讀言說之說四、尊敬惟天六敬孔子或曰彼雖夷狄却于

吾教有助。余曰否。孔子云。回也非助我者也。又田子新娶。贊禮人唱云。這回好個風流倖。妙。

或問孔子三千弟子。後來都甚結果。曰二千五百人。各自行教去了。只有五百人做了客商。問何徵曰。論語註云。二千五百人為師。五百人為旅。子曰。師也過。商也不及。

唐有內臣學作別紙言語者適鳳翔節度使寄  
柴數束束謝承惠也愚若干

書生懶讀所恨書多一日讀論語至顏淵死頓  
足而起曰死得好死得好或問之答曰他若不  
死時做出上顏回下顏回案我何時是了

隋侯白机辨敏絕嘗與楊素並馬路旁有槐  
樹顓頊欲死素曰侯秀才理道過人能令此

樹活否。曰。取槐子。懸樹枝。即活。素問其說。荅曰。論語云。子在回。何敢死。韻書回槐同音。鬚者。為人所嘲。乃造一謔。復之曰。顏路及伯魚相聚。議曰。夫子惟鬚。故開口不脫乎字。顏子曰。回也。其庶乎。子路曰。由諉汝知之乎。伯魚曰。汝為周南召南矣乎。孔子聞而出。責伯魚曰。回是個短命的。由是個橫死的也。罷了。你是我兒子。

為何也。未說我。

熊神阿過子貢祠見取夫基置祠下笑曰賜不  
受命而僨殖焉乃今猶自居奇。

龍圖劉燁善滑稽嘗與劉筠聚會飲茗問左右  
湯滾也未皆言已滾筠曰食曰鯨哉燁應聲曰  
吾與點也。

宋時碾茶為屑。襍和諸香為餅。最上者為大。

小龍團不知點出是何滋味。慙生曰：點爾何如？

袁相國履善六七歲時，與群兒戲，自稱小相公。潞溪彭公見之，出對云：願為小相。袁應聲曰：竊比老彭。

先生年登耄耋，官授長史，不謂童言遂成識語。

北齊石動筭嘗於國學中看博士孔子弟子達者七十二人動筭因問曰達者七十二人幾人已着冠幾人未着冠博士曰經傳無文動筭曰先生讀書豈合不解孔子弟子已着冠有三十人未着冠有四十二人博士曰據何文以辨之曰論語云冠者五六人五六三十一人也童子六七人六七四十二也豈非七十二人坐中皆為

大悅博士無以復之

優人名如石動筩黃繡綽敬新磨之類皆故  
詭其稱以取笑也。又鄧璞游仙詩云青溪千  
餘仞中有一道士動筩云臣作必當勝伊一  
倍。齊高祖試令作之乃曰青溪二千仞中有  
兩道士高祖大笑夫以九法看書以倍法談  
詩動筩應是精於數學。

東坡登禁林以高林狎侮諸公卿咸有標目獨不敢加司馬公後以論雇役利害不合方歸舍卸巾脫帶連呼曰司馬牛司馬牛太和魯給事忤與鄧工部慥共飲魯嘲鄧曰汝為犬羊之羶手斥豹之羶手鄧應曰爾手麋比予于是

又吾松朱旅溪尚書在朝與一太平同年相

善太平者以公號茲溪戲曰莫似松江之鱸  
公笑應曰寧作太平之犬皆佳譔

郡戴守杜公性惡狗每出見狗即擒其家坐罪  
以故民間無蓄狗者杜給由去松民謠云杜同  
知給由苟完矣

宋王或子絢年五六歲讀論語至周監于二代  
外祖何尚之偃曰可改郁乎文哉絢曰尊者

之名安可戲。寧可道草翁之風。必舅。

馮道門下客讀道德經。道可道非常道。曰不敢說。可不敢說。非常不敢說。皆草翁之風。必舅遺法也。

一鬚子自將其鬚曰。君子多鬚。手拭調之者對曰。小人繁鬚。樊須也。

或問繁鬚所對之多鬚。是婦人否。居士曰。既

是多鬚豈非婦人又嘲鬚鬚者曰一學徒問  
其師曰學而時習三乎字与吾日三省三乎  
字有分別否曰有分別一是聖人之乎一是  
賢人之乎又問君子者乎色莊者乎二乎字  
有分別否曰有分別一是誠者之手一是偽  
者之乎又問使乎使乎二乎字有分別否曰  
無分別上邊鬚手便是下邊鬚手

夫妻皆知文墨。雲雨時初進。曰。苟合矣。事畢。曰。苟完矣。妻問夫可好。夫曰。苟美矣。興猶未止。妻捏其陽物。笑曰。狗臊且粗。註。苟聊且粗畧之意。

夫婦掉書幹事。可謂善居室矣。自居于狗。豈謂狗能久戰。故自方耶。

一驛丞持其所画之像。求豐道生作讚語。豐題其端曰。材全德備。渾然不見一善成名之跡。中

正和樂粹然無復偏倚駁雜之弊丞喜而去坐  
客訝其不倫請其故豐曰下文其為人也驛丞  
亦成矣

一登仕途便有此天然美贊是故君子丞之  
為貴

達毅王達同為郎中一日簽公移王戲曰每書  
銜名必以公上為我之下毅應曰不聞君子上

達小人下達耶。

一有司病招鑒、有時名而不知文、彖診脉後、  
曰此氣不順也、宜以利氣為主、有司曰鑒書上  
云何曰工欲善其事必先利其氣、器有司杖而  
遣之。

鑒者見卜者之案有易經、歎曰吾子當學卜、  
不學鑒矣、人問其故曰彼是易、  
去聲經想定容。

易○豈○似○我○家○的○雞○聲○平○經○又○一○鑿○藥○誤○殺○人○死○  
者○之○家○逐○之○赴○水○而○逃○得○免○倉○皇○抵○家○其○子○  
正○讀○藥○性○賦○急○止○之○曰○不○必○讀○藥○性○服○水○性○  
要○緊○慙○生○曰○是○鑿○旁○通○四○書○雞○經○藥○性○不○必○  
言○矣○宜○其○有○時○名○也○

祿○山○僭○叛○戴○上○平○天○冠○左○右○有○贊○之○者○曰○服○周○  
冕○祿○山○曰○這○是○秀○才○官○六○曉○詩○四○書○學○尚○又○

着袈衣十二章。自覺即當不堪。左右即云服之。  
不。裴祿山曰。這官又是記得左傳摘奇的。  
兩人相詬于衢。甲曰。你欺心。乙曰。你欺心。甲曰。  
你沒天理。乙曰。你沒天理。一道學問之謂門弟。  
子曰。小子聽之。兩人諄然講學也。門人曰。詬  
也。焉為學。曰。曰。心曰。天理非講學。而何。曰。既講  
學。又焉詬。曰。夫人也。惟知求諸人。不知求諸已。

書  
故也。

道學觸處可以發明。正是如此。

士子試有教無類賦。有擬之者曰。相國寺前熊  
翻獅子長安門外驢舞柘枝。

擬主考批。構思切景。出語驚人。高薦高薦。

鹽院初到行香。一生講辭達而已矣。一章不數  
語。遂畢。鹽院笑曰。講得甚妙。只是忒教些。

三戒演義云。登徒氏好色。睢眦氏好爭。銅臭氏好貨。一日相與會。私託以為吾曹皆有聖人之  
一。体。登徒氏曰。成湯九十六而生外丙。又二年  
而。生。仲壬。髮。毳。短。矣。猶。有。淫。心。矧。其。少。小。子。  
自。謂。有。聖。人。之。情。睢。眦。氏。曰。武。王。七。十。六。而。為。  
牧。野。之。戰。左。黃。鉞。右。白。旄。率。虎。貔。熊。羆。之。士。血。  
戰。甲。子。至。于。標。杵。可。謂。老。于。閭。矣。矧。其。壯。小。子。

自謂得聖人之勇。二氏語畢。次及銅臭氏。銅臭氏逡巡良久。乃曰。主臣小子。好刀圭玉帛耳。烏敢望湯武第。幸未老。庶幾老乎。而可得聖人之巧。余聞而嘆曰。此曹巧于侮聖。若此。不識聖人何以謝之。

王文穆夫人悍妬。貴為一品。欲置左右人。竟不可得。好賓客。畜樂院。廿人宅後園中。作堂名三。

畏楊文公戲之曰可改作四畏公問其說曰無  
畏夫人公深以為恨

唐裴談畏妻嘗言妻有可畏者三少之時視  
之如生菩薩安有人不畏生菩薩及男女滿  
前視之如九子魔母安有人不畏九子魔母  
至五六十薄施粧粉或青或黃視之如鳩盤  
荼安有人不畏鳩盤荼此即三畏堂記也何

必改作四畏。

潘滄浪者滑稽之魁邂逅一客叩姓字客曰僕  
姓陸字伯陽潘笑曰齊景公有馬千駟民無得  
而稱六百羊直甚烏。

馬千駟無得而稱若是馬僉事定有大大一  
篇墓誌銘。

蘇子由在政府子瞻為翰苑有一故人與子由

有舊者、來于子由、求差遣、久而未遂、一日來見  
子瞻、且云、某有事、望內翰以一言為助、公徐曰、  
舊聞有人貧甚、無以為生、乃謀伐冢、遂破一墓、  
見一人裸而卧、曰、爾不聞漢世楊王孫乎、累塋  
以矯世、無物以濟汝也、復鑿一冢、用力弥艱、既  
入、見一王者曰、我漢文帝也、遺制塋、無納金玉  
器、皆陶瓦、何以濟汝、復見有二冢相連、乃穿其

在左者久之方透見一人瘠羸面有飢色曰伯夷也餓于首陽之下無以應汝之求其人嘆曰用力之動無所獲不若更穿西冢或冀有得也瘠羸者謂曰勸汝別謀於他所汝視我形骸如此舍弟亦齊豈能為人也故人大笑而去此人命薄掘着便是空冢若是齊景公還有太僕寺一項錢糧

姚峴滑稽。姚南仲廣察陝郊。峴以宗族見之。忽有投刺者云李過庭。南仲曰。過庭之名甚新。未知是誰家子弟。峴曰。恐是李趙兒。鯉趙而若是孫過庭。又如何下轉語。

夫人自稱曰小童。有嘲好龍陽者。為之破曰。觀夫人之所稱。而邦君之好可知已。或云。觀夫人之自稱。而其所好可知已。尤妙。

孔子遇陽貨于途，之人聚而觀之，莫辨孰為  
貨，孰為仲尼。弟子亦目眩也。別去。弟子有誤，誤  
貨歸者及門而後，覺曰：「謬矣，亟走還。」夫子曰：「來  
何暮？」弟子具以寔告。夫子潛然出涕曰：「必有後  
憂他日，采園于匡，幾不免已，而貨過匡，人曰：『此  
仲尼也。』挈壺漿以勞之者曰：『曩誤以為貨。』一  
時為行李憂，敢以此請命下執事。貨悉受而去。」

匡人曰仲尼幾於貪

家長倩曰孔子時中萬古推偶然往貨亡  
時若云昔日魯窺閭何不途中預避之語  
有會

日講官出朝閹人問之曰今日講何書官故斷  
其句以嘲之曰割雞閹焉用牛刀閹人揜口曰  
此是孔聖人惡取笑

淨身男子、每於墜地時、即闔之不死、長而時  
有萌芽至選中、必復淨之、多有死者、為之語  
曰、善為我辭闔焉、如有復我者、則我必在坟  
上矣、

嘉定間、選人淹滯、遇內宴、優人扮古衣冠數人、  
皆稱待選、係是孔門弟子、既而通名、有曰常從  
事者、有曰於洪政者、有曰吾將仕者、各相嘆惋、

曰。吾輩久淹于此。日月逝矣。柰何。旁有一人謂  
曰。汝等不在七十二人之列。曷詣顏閔而請教  
焉。諸人一時俱往。顏閔同聲荅曰。此夫子事也。  
爾輩湏見夫子。及入見。析哀。夫子不荅。衆人退  
而相謂曰。鑽燧改火。期可已矣。吾輩有學者。且  
留國中教授。有圭田者。不若退而耕于野也。于  
是闕然而散。

有講周有八士章云、註言四乳而生八子、非也、  
乃是一胎所生、或問何據、曰、觀其命名可知、向  
何義、曰、達聲一個、括聲一個、突然一個、忽然一  
個、夜裡一個、話得羅一個、隨即一個、了裡又是  
一個、豈非一胎、越師讀夏為話、讀了為駟、  
理學家多主新說、有解年四十而見惡鳥、其終  
也已、曰、人當其年尚見可惡之人、則德不進可、

知矣。周元孚笑曰：惟仁者能好人，能惡人，應是。三十九歲時也。聞者咸笑。

徐文貞當國，二守王姓者遇紀綱，見必屈一足答之。一日諸縉紳進謁，客多倚少主，連呼倚兒。顧預齋曰：「而已而今之後，政者殆而有問，文人殺雞以請子路，不知是雄雞是雌雞，或對曰：還是雄雞，不然如何見其二子？」

浙師講書至此忽置口仰視沉思出神諸徒  
訝之師乃擊案嘆曰殺雞相請又只兩個學  
生何等好館妙

華亭人冒籍上海小試憤其不容大書通衢云  
我之大賢与于人何所不容我之不賢与如之  
何其拒人也上海人答云我之大賢与何必去  
父母之邦我之不賢与焉往而不三黜

呂嘉問提舉市易。曾子宣劾其違法。子宣得罪。  
嘉問治事如故。劉貢父曰。豈意曾子避席望之。  
儼然乎。嘉問字望之。

為賊之銘曰。夫人之子。鄉愿德之老而不死。慢  
令致期。

門地既好。壽又異常。便有些賊行。死後必然。  
有篇誌銘也。

飲酒行令。座客有茫然者。一客戲曰。不知令。無  
以為君子也。其人怒曰。論語說不知命。何改作  
令字。客答曰。君不記中庸註乎。問註云何。曰。命  
猶令也。一座絕倒。

此友最善謔。又記其一事。有主責童子者。童  
子曰。雖大叫而眼無滴淚。友從旁戲曰。有教  
無類。主笑而釋之。

王聖美為縣令時未知名謁一達官值其方與客談孟子殊不顧聖美竊哂其論久之忽顧聖美曰曾讀孟子否聖美對曰生平愛之但都不曉其義向不曉何義曰茫頭不曉因強其言聖美曰孟子見梁惠王當作何解達官訝曰此有何深奧聖美曰既云孟子不見諸侯因何見梁惠王其人愕然無對

孟子所不見者皆不要見孟子者耳。不似今  
山人挨門投止也。山人答曰。今之卑禮厚幣  
者。絕無有如何學得孟子認真。若論門上人  
便是梁惠王如此卑禮厚幣。孟子這一項使  
用原少不得的。不然如何得見。

瞿文懿王立於沼上。破云。時君所立非其地。鄢  
天。澤。譴云。沼。國。惠。王。地。也。瞿。公。安。得。云。尔。妙。

餘姚師講填然鼓之。兵刃既接，棄甲曳兵而走。曰：「慤慤，殺殺，殺殺，跑跑，跑跑。」

此方是四書直解。

兩人一長一短，長者嘲短者曰：「死之日，方寸之木，足以有容也。及至塋，一撮土之多，掩之誠是也。短者嘲長者曰：「死之日，無所取材，工師得大木，以為能勝其任也。及至塋，壤地褊小，舉而委

之於壑。魚鼈不可勝食也。

短者未必不肥。長者未必不瘦。如何。但以瘦為短。以肥為長。二撮土之多。矮胖者應旁溢。鳥舉而委之於壑。瘦長者亦有限耳。

有以象牙命工雕刻。卧美人像。眉髮宛肖。牝乳逼真。或謂如此東西。要他何用。余曰。為其象人而用之也。聞者撫掌。

須設床簀屏帷。更以唐申帝所造尺二之宮。  
居之。始為盡興。

一璫出鎮杭州。至學講書。青衿以書進呈。得弄。  
牛章講論之際。忽問王見之。是何人。荅曰。此王。  
義之之弟也。又問王曰。然。是何人。荅曰。此王。  
叟之兄也。曰。好。王氏一家都在膏上。  
此璫諄以王姓為問。必是王散王振之流。

常州翟永齡滑稽傾險以久不至學師怒罰作  
一文命題是牛何之永齡操筆便就結語云按  
何之二字兩見于孟子之書一曰先生將何之  
一曰牛何之先生也牛也一而二二而一者也  
學師竟無奈何

有為王見之之文曰仰而觀之牛見王也俯而  
視之王見牛也換泰山以超北海之文曰泰山

可、挾、也、挾、之、以、超、北、海、不、可、也、北、海、可、超、也、超、  
之、而、挾、泰、山、不、可、也、

格、調、既、熟、故、語、言、入、妙、坡、云、文、入、妙、來、無、過、  
熟、然、此、所、謂、似、是、而、非、者、耳、

李、本、寧、夫、人、王、氏、適、病、目、同、館、王、太、史、戲、云、王、  
曰、吾、憊、不、能、進、王、太、史、夫、人、姓、井、本、寧、即、曰、井、  
為、人、下、而、不、辭、

有善為恢諧者、随机即發、人受其侮、一王姓者、面有病容、彼目之為王病、後王登甲第、為直指、而恢諧者適為令、庭謁時、直指戲問曰、今日還敢稱我為王病否、忽仰首答曰、我王庶幾無疾、病與

既富貴、自然疾病皆無、只怕就有疾、首蹙額的。

一師講孟子太王好色章至當是時也內無怨  
女外無曠夫一生大笑師問何笑生起對曰綿  
之首章云陶復陶穴未有家室緣何却說沒有  
曠夫

三衢一子弟淫其里鍛工之女為工所擒不忍  
殺以鐵鉗去其左耳繼之去輕薄子作警句嘲  
之曰君子將有為也載寢之床匠人斲而小之

言提其耳

李文正作相，最好恢諧。一日宴諸進士，席間起  
辭。李忽曰：「諸君且坐，有一題目相商。」衆問之。李  
曰：「東面而征，西夷怨；南面而征，北敵怨。如何解？」  
衆茫然不知所解。李笑曰：「無非待湯。」

一日諸進士進謁，留之曰：「有一對煩諸君一  
對。」請問曰：「園中花始放，衆訝其易，皆不曉所。」

指李徐曰。何不道閣下李先生。其恢諧如此類甚多。

詹侍御蘇大行。二公五鼓行長安街。將入朝。呵道聲相近。蘓向前行為誰。從者曰。道裡詹爺。即曰。瞻之在前。詹問後來為誰。從者曰。行人司蘓爺。即回首曰。後來其蘓。合而言之。蘓子瞻也。

滇中一周姓者仕為廣文見事輒通書語一日  
謁邑宰見縣門枷號一匠即曰既嘗戒恨而于  
此尤加謹焉又與同僚共坐見一人挑一猪首  
因事號哭即曰丹朱之不肖又嘗行于市中見  
一婦纏脚布不盈尺即曰塵無夫里之布少則  
不必塵矣

省試大舜善與人同賦一舉人見黜心甚不平

其破題云昔有大舜潛心至仁道雖貫於萬世  
善猶同於衆人或謂之曰以尿罐對油筒宜乎  
黜落。

一人守不妄語為良知心齋欲開其悟乃曰說  
謊亦是良知其人愕然不服一日有鄉紳來謁  
乃謂閤人曰善辭之謂余他出心齋因以詰之  
其人悔咎不安心齋曰無害孟子云不可以風

即此類也

如此之類。在道學。則為妙應。在世俗。則為圈套。道學見人如此。則目為偽道學。自己為之。則命為權。

一春元富而無文尺牘。好用書語。適以產事相干者。復東云。此田豈不欲買哉。得之不得。無財不可以為悅。有謂有無謂無。而為有。則吾豈

敢同袍戲作答書曰此田豈可不買哉播種而  
耰之穀不可勝食也有若無寔若虛則名無有  
乎爾子必勉之

士人姓尤者以一瘟猪頭餉其學師又有姓陳  
者以銅耳丁一雙為節禮學師受而秤之猪頭  
則重三斤四兩耳丁則重三分四厘出而為歎  
後語嘲之曰秀才姓尤來送猪頭三斤四兩堯

舜其猶言病猪也。又曰秀才姓陳來送耳。丁三  
分四厘。堯舜與人言銅耳也。二生齊聲答曰有  
一破可以奉酬。師曰何謂也。曰時官兩責門人  
言必稱堯舜也。

秀才送節禮止銀三分。教官曰今次罷了。日  
後望加厚些。因出對句曰竹長新枝一節還  
高一節。秀才即對曰梅須遜雪三分。只是三

分○今○曰○三○分○四○厘○吾○不○信○也○若○餽○肉○則○教○官○  
一○年○遂○三○知○肉○味○矣○

萬○曆○初○年○莫○廷○韓○膺○貢○少○司○成○朱○文○石○戲○曰○莫○  
不○善○于○貢○莫○曰○是○誰○說○的○蓋○朱○時○重○聽○故○也○其○  
謔○妙○絕○

一○蒙○師○憤○讀○破○句○讀○陳○良○之○徒○陳○相○與○其○弟○辛○  
連○下○負○未○為○一○句○聞○之○者○笑○曰○破○句○猶○可○壞○風○

化矣。以其聲近弟新婦累也。

罰為南方猪。北方猪者。曰此輩。若無此輩。舉世。卽得肉喫。又一師東修。三兩東家。約云。差一字。除銀一兩。師于以其子妻之。讀平聲。毋以與爾鄰里鄉黨乎。讀作父母的。毋字。嫂溺。則援之以手。手讀作隻字。東修俱除。師怒曰。錯了。毋除一兩。罷錯了。妻除一兩也。罷錯了。

嫂自有令兄在如何也除一兩

有為神農之言者許行一節破云異人不遠千里而歸滕因自述其歸滕之故時君休恤以安居之其徒不一人而足而各自為衣食之謀此可見陰寓壞大賢井田良法之意於不言之表矣

虞集未第時為許衡門客虞有所私午後輒出

館許每往不遇病之因書于簡云夜々出遊知  
虞公之不可諫虞回即對云時々來晤何許子  
之不憚煩。

女子與人私有孕臨娩倩情人扶抱舉子令速  
棄之其人以飯簋盛兒密埋蒜地埋畢嘆曰我  
真自暴自棄矣有知其事者曰噫斗簋之人何  
足算也。

惟道世人無情緣何埋却多情種

武王伐紂兩墨公叩馬諫太公執公信手數公  
達曰若兄負我矣我与若兄夙負重望一北海  
一東海風馬牛之不相及也一朝咸歸西伯海  
內豪傑聞者動色頌曰二老周矣嚮應雲集周  
日强大以至今日我与若兄宴與有力焉乃今  
者舉事輒去之以自為名高如我何且西伯捐

館舍者。十三年于茲。墓木拱矣。而曰父死不葬。以惑三軍之聽。若兄忘西伯養德。耶公達無以應。左右欲兵之。太公曰。吾故人也。扶而去之。餓于首陽。自悔而死。

劉調父跋銀子歌云。存乎人者。莫良於銀子。銀子不能為人掩其惡。胸中正則銀子瞭。烏瞭者。銀子來得明白。也。胸中不正則銀子眊。烏

眊者銀子來得。不明不白也。聽其言也。觀其銀子。人馬瘦哉。諺云。酒不醉人人自醉。余特表而出之。以醒世之醉于銀子者。

李如真先生。李朱山先生。同李卓吾先生。在永慶講學。衆問人何以超生死。卓吾遜朱山曰。李老先生請說。朱山遜真如曰。李老先生請說。真如又遜卓吾曰。還是李老先生請說。坐有言者。

曰三位都是李老先生卓吾輾然審頤曰正是此之謂三有禮焉合座不覺失笑。有為泄氣之破者曰不啻君自其口出人皆掩鼻而過之。

晉時謂之泄氣宋時謂之湊氣皆放屁也。王季重錄科戲云兩日為童生屁薰黃了面皮妙。

有。試。堯。舜。與。人。同。耳。者。以。堯。眉。八。彩。舜。目。重。瞳。  
作。柱。言。眉。目。異。而。耳。同。也。

鞋。纊。充。耳。所。以。蔽。聰。或。者。其。耳。有。異。乎。

有。為。陳。仲。子。與。齊。人。相。詬。詞。曰。辟。兄。離。母。全。無。  
天。理。驕。妻。誑。妾。邠。有。人。倫。僻。處。於。陵。恰。似。縮。頭。  
丘。蚓。餒。食。東。郊。渾。如。延。頸。鷺。鷥。打。草。鞋。編。蘆。蓆。  
是。寂。賤。生。涯。拿。木。瓢。拖。竹。棒。乃。絕。醜。形。狀。虎。皮。

羊質。見棄官兄。狗彘蠅營。絕談中國。拾爛李子。  
充飢。僅與螻蟴爭食。討祭餘肉。度命却與魍  
魎鬼分贓。一個是務名不務實的虛頭。一個是  
顧嘴不顧臉的油篋。

得此以結二人之案。當是孟子一快。有朝捉  
頭者曰。按君訪察。匡章陳仲子。齊人。俱被授  
匡自信孝子。陳清客。俱不請託。惟齊人以一。

妻一妾送顯者求解顯者入見按君為述三  
人罪狀顯者曰匡章出妻屏子仲子避兄離  
母老公祖捉得極當那齊人是叫化子的頭  
兒捉他甚麼憨生曰這便是說人情的樣子  
丈夫欲娶妾妻曰一夫則一婦耳取妾見於何  
典夫曰孟子曰齊人一妻一妾妻曰若然我亦  
當再招一夫夫曰何也曰豈不聞大學序云河

南程氏兩夫

或曰孟子中有大丈夫小丈夫何必更引程氏

王敬字館于張氏偶以事歸主人出題試子曰先生如達王到館知之否出題試徒曰牛羊父母

鏡謎云南面而立北面而朝象憂六憂象喜六

喜妙絕。第今人貌是心。非鏡中影像。恐不足拔也。

王荊公侍神宗殿上。有一虱周旋其鬚。神宗顧視數四。同列亦皆見。比退。公問同列曰。今者上數顧不佞何也。同列告之。故公急捕得之。同列曰。幸勿殺。宜有敕語獎之。荊公問勅語應作何詞。一學士曰。屢游相鬚。曾經御覽。論其遭際之

奇。何可殺也。求其處置之法。或曰。放焉。

荆公蓬首垢衣。故應多虱。然此虱緊隨入朝。不離君相目前。願下亦是呂惠卿輩一流人耳。

試士以殺三苗于三危。一士問同坐曰。三苗何為而殺之。同坐者曰。註是負固不服士。又問何謂負固不服。其人怪其不通也。詒之曰。父故不

服是父死。不丁憂。大不孝。當問死罪。士人信之。竟坐斥。

楊玠。北人。巧應對。太子洗馬蕭翊。蘭陵人。戲曰。流共工於幽州。易北。恐非樂土。玠曰。放驩兜于崇山。江南。豈是勝地。

別本京兆杜公瞻。戲玠曰。兄既姓楊。陽貨寔辱孔子。玠曰。弟既姓杜。杜伯常射宣王。又殿。

內將牛子充戲曰君羊有疥恐不任厨玠曰  
君牛既充正當烹宰又太倉張策戲曰卿本  
無德量忽共玠寶同名玠曰爾既非英雄敢  
與伯符連諱可謂滑稽之雄矣

有玠調嫂、嚙其鼻以白于官、疑所坐一譴  
者曰第驗其鼻尚存則無罪矣官曰何也曰有  
鼻庫之人奚罪焉

鼻音原  
從去聲

有嫂前行而裙夾于臂後者。姊澁浚掣整之。嫂頤見姊疑調之也。大怒。姊躬身曰。不必怒。待小姊照舊放進。不差一些兒。便罷。或問此二姊異同。居士曰。其一恭而無禮。則勞。其一直而無禮。則絞。

慶曆中河北大水。仁宗憂形于色。有走馬承受使臣到闕。上問河北水災何如。對曰。懷山襄陵。

又問百姓何如。曰：如喪考妣。上詔：關門。今後武臣上殿，並須直說，不得文飾。

始皇若在，定當坑之。或曰：此武夫掉書，非儒者也。何以得罪？始皇曰：儒者是其禍根。

禹薦益於天，七年崩，益按先朝故事避之箕山下，目眴然，其心熒然，戒其家人曰：朝覲者，訟獄者，旦暮至矣。若輩閉戶却之，毋自為富貴。

計○使○我○負○先○帝○已○而○寂○然○無○一○人○至○者○益○之○心○  
遂○矣○而○自○對○家○人○輒○有○慙○色○周○公○請○以○身○代○武○  
王○死○納○冊○櫃○中○而○歸○目○眴○然○心○熒○然○曰○得○  
無○吾○之○禱○不○驗○乎○翌○日○得○報○王○已○視○事○公○之○心○  
慰○矣○而○替○伯○禽○治○後○事○

只○為○益○多○此○一○避○不○知○生○出○後○世○許○多○受○禪○  
勸○進○惡○模○樣○來○益○避○于○箕○山○之○陰○朝○覲○訟○

獄謳歌者不至不知獨自一人幾時蕭然走出山來益可謂不度德量力矣舜竊父以逃導海濱而處先時朝覲訟獄謳歌者群擁而來不知背了盲父何計悄然溜過海去舜可謂不審時度勢矣請經儒先生處分看怕說不得天下無難處之事也文王語武王曰吾百爾九十吾與爾三焉此語想周公不與

聞故有此金。滕之禱不然。九十三壽數已定。周公落得說人情話耳。

有人性慳而好奪。或有鄙其慳者。其人荅曰。一介不與。聖道當然。曰。君於一介不取。如何。曰。學而未能。

於不與處。身既曲。體於不取處。語又譏。虛善學聖人。無如此輩。可以哆口講學矣。

嘉靖十年會試題孔子聖之時者也一士破承  
云聖易也夫易時也以時語聖神哉場中傳以  
為笑。

又君命召不俟駕而行破云王請度之尤妙。  
一士夫子孫繁衍而其儕有苦無子者乃驕語  
其人曰爾沒力量兒子養不出一個來看我這  
多子孫其儕答曰其子爾力也其孫非爾力也。

聞者大笑。

學使試題孟獻子百乘之家也。有友五人焉。一  
士失記正文。遂偷問同坐者曰。五人姓名敢望。  
賜教。友曰。下文是樂正裘牧仲。其人屈指急曰。  
還有三人。友誦曰。其三人則予忘之矣。士恚曰。  
如此時節。還有工夫通文。  
孟子忘了大丰先該考個劣等。荅者只須云。

必求其人，以寔之，則鑿矣。

村學一童子讀論語完，父湛肆中買孟子一部，求師釘之。師藏後二卷不釘，其父大嚷云：「尽心告子何在？」師徐謂其父曰：「你如何尊師重傳，要盡心告子？」

有問孟子曰：「人之患在好為人師者。」師曰：「做先生的見成享了供給，又得了束修，有何可？」

患一人漢旁對曰正是東修供給處可患耳  
師嘿無語

人有姓尤姓于者各誇所姓之美姓于者曰公  
之姓乃犬牛于固人之姓耳姓尤者曰何徵曰  
出于孟子孟子云犬之姓性尤猶牛之姓性尤  
猶人之姓性于與  
犬牛報主猶有人心人世負心不無獸行人

未○必○勝○犬○牛○何○以○爭○為○

有童子初學時文者師命題曰熊掌○也○中○二○比○云○朝○而○饔○朝○此○熊○掌○也○夕○而○飧○夕○此○熊○掌○也○師覽之○笑○曰○我○一○生○不○得○熊○掌○嘗○新○爾○乃○把○當○小○菜○喫○耶○

有作此房出賣破云曠安宅而弗居求善價而沽諸妙絕

余鄉有家未貧而謀售房者親友以其締造  
之艱特往阻勸其人唯以從命將別更致意  
曰房子為我覓一主雇萬望留神勸者哂之  
慶曆中試題為天子之堂九尺賦者曰成湯當  
陛而立不欠一分孔子歷陛而升止餘六寸用  
孟子曹交言湯九尺史記言孔子九尺六寸事  
此當時中式文也文章自古無憑據信然信

然

今○交○九○尺○四○寸○以○長○一○節○破○云○身○子○幾○乎○一○丈○  
長○只○會○喫○飯○怎○麼○好○

如○此○長○大○漢○怕○喫○飯○窮○了○安○得○不○憂○又○昔○有○  
李○子○昂○者○終○長○七○寸○或○笑○曰○你○道○似○何○物○看○  
來○還○抵○不○得○曹○交○郵○一○件○也○

學○徒○有○父○名○良○臣○者○凡○遇○良○臣○二○字○皆○讀○為○爺○

爺讀孟子曰。今之所謂爺者。古之所謂民賊也。

凡讀爺者可無猛省。

京師吉凶禮止用鼓笛。一人戲曰。這是有出處的人。問何書曰。孟子云。有攸不為。臣東征。丹之治水也。愈于禹。豈非鼓笛音耶。

一部鼓吹。全藉這口浩然之氣。

一士從陽明學。初問良知不解。卒然起問曰。良。

知何物黑耶白耶。群弟子啞然失笑。士慙而報。先生徐語曰。良知非白非黑。其色正赤。弟子未喻。先生曰。時此友之徵於色者。固良知也。一學道行部諸明倫堂。必講良知之學。曰。此陽明先生獨見發千古未發之秘。一生對曰。小時讀孟子。只道這兩字。是孟子說的。今聞宗師指教。是陽先生獨見。乃知孟子大賢亦。

復旁人口。叨學道知其刺已。遂輟講。

有譏貢生者曰。一師訓徒讀孟子。至人知之。亦  
囂。字俱讀作貢。或謂此字上下有四口。云  
何。讀貢師曰。任他橫身。是口也。只是貢。  
貢士一生喫着官廩。而曰莫不善焉。誰信。又  
有將貢而中風者。友輩惜之。或譖云。難道中  
不如貢。妙。

孟子善養浩然之氣有泰山巖之氣象侈口  
言曰以天下王猶反手也齊梁之君異其語而  
心艷設九賓捧雙璧頓首請曰願先生明言秘  
計孟子一曰五母雞再曰二母雞公孫衍之流  
掩口笑曰腐儒也孟子之道率不行于天下  
當時好言利孟子言仁義以折之言仁義未  
嘗不利皆此類也何以故曰所言皆母雞母

疑不知百年以後生出若干小雞小猪來何以直待百年曰王道無近功耳

尤延之與楊誠齋同官甚善一日尤戲楊曰楊氏為我楊應聲曰尤物移人

有道士欲探一友先問友之識者識者諂之曰彼甚惡汝執一不可去道士曰某未嘗執一不諗何以見惡曰所惡執一者為其賊道也

書少  
賊道執一。所執何物。曰。笏也。曰。今之仕紳皆  
執笏。則云何。曰。豈少賊盜在其中耶。

國朝天潢舊衍俸米不給。其為無賴事者甚多。  
一宗室慣用偽銀買物。大至房室與馬服飾之  
類。皆用銅。與人交易。有梗之者。則曰。汝不讀孟  
子耶。曰。何謂。曰。孟子上道。王子宮室車馬衣服  
多與人銅。同。

長洲一生屢試遭擯詭謂人曰太倉徐太學元  
晦為予納監矣又云浙中徐進士子卿為予援  
例矣而實皆未也或嘲之曰子謂之姑徐云  
爾

胡廬生于此君曾下博浪之椎不得言同病  
相憐矣

試士出題今茅塞子之心矣一胥先出外人間

是何題。胥曰：我不省得。只聽得秀才每念道：是甚麼金毛獅子。

有食沙魚翅而不識者，或誑之曰：此金毛獅子尾也。如此題當用此結，乃得。

張鰲山提學江北，以馮婦善搏虎為題。徐州一士云：馮婦一婦人也，而能搏虎，不惟搏也，而又善搏焉。夫搏虎者，何扼其吭，斬其頭，剥其皮，投

于五味之中而食之也豈不美哉  
有作二女果文者中立柱云堯非不欲以之  
自奉也舜非不欲以之秦瞽瞍也如此文理  
真正不可思議又耿公晉學南畿試崑山題  
是虎負嵎莫之敢撓一士破曰山君得其山  
勢壯士失其壯心試嘉定題是乞其餘不足  
又顧而之他一士破曰既討者弗殺其饒未

計者復奔其地。二士相遇。各誦所作。嘉定士  
曰。兄真上山擒虎易矣。崑士復之曰。兄豈聞  
口告人難耶。案出二士悉黜。

學院按臨松江。童生告考者。蔡方正學求忠書  
院命官。考校出題。是人力所通鼻之於鼻也。卷  
呈無一見取。松人即以試題作歇後詩嘲之曰。  
察院求忠書。考官方孝孺。不見人力所都是鼻。

之於。

沈存中括方就浴。劉貢父造之一見遽哭曰存中可憐已矣。衆愕問乃曰死矣。盆成括也。一學道出題是古之人古之人此二句一章兩見。老儒疑之出位整容致敬而白曰宗師命題是古之人古之人却是這一章書有兩個古之人古之人前邊有一個古之人古之人後邊有

一个古之人。古之人。生員要做了前邊的古之人。古之人。只怕宗師出的古之人。古之人。是後邊的古之人。古之人。生員要做了後邊的古之人。古之人。只怕宗師出的古之人。古之人。又是前邊的古之人。古之人。請宗師說明了古之人。古之人。是前邊的古之人。古之人。生員好做前邊的古之人。古之人。省得錯做了後邊的古之人。

人。古之人。若是後邊的。古之人。古之人生員好。  
做後邊的。古之人。古之人省得錯做了前邊的。  
古之人。古之人。

此生誠哉。古之人也。故其辭繁而不殺。如此。  
某邑三廣文。一無齒。一耳聾。一染鬚。俱落共聚。  
一堂。候見直指。適令至。嘲之曰。三老三件無。  
耻之齒。耻無。然。而無有耳。爾。則亦無有鬚。乎。語。

畢進謁。出而蘊笑。始發。直指微聞。追問。令直述。以對。直指亦大笑。

缺唇者作歇。後以譏聾耳者曰。飛在天。見在田。確乎其不可拔。潛聾耳者復之曰。多聞疑多。見殆。君子于其所不知。蓋又有譏落齒者。曰。人不可以無耻。齒無耻。齒之耻。無耻矣。落齒者復之曰。賢者而後落此齒。不賢者雖有。

原缺